

# **GUTABARWA KUVA MU IJURU**

Imirongo yateranijwe  
na Watson Goodman

Aka gatabo gatangwa  
ku buntu



## **GUTABARWA KUVA MU IJURU**

**“GUTABARWA KUVA MU IJURU”** ni agatabo gakubiwemo imirongo yo mu Byanditswe Byera, ikuwe mu bice bitari bimwe byo muri Bibliya, ihuriye ku ngingo nkuru zitoranijwe.

Ijambo ry’Imana ryaje rivuye mu ijuru, kandi koko rifasha imitima ifite inzara n’inyota byo gutunganira Imana. Igihe umuntu yihana, areka ibyaha bye, agasaba Nyagasanzi Yezu Kristo gutura mu mutima we, akizeresha umutima we wose ko Yezu are Umukiza, Nyagasanzi Yezu azamwiyereka, akuzuza umutima we umunezero n’amahoro.

Ubwanjye ibyo byambayeho mu mwaka wa 1937, ndabihamya. Kuva icyo gihe, numva mfatanije cyane na Nyagasanzi Yezu.

Nawe mugenzi, ndakwinginze ngo wihe Yezu nonaha, niba utarabikora, kugira ngo akubere Nyagasanzi n’Umukiza.

—Watson Goodman

# URUKUNDO RW'IMANA

1

Imana yakunze cyane abantu  
bo ku isi yose, ku buryo yatanze  
Umwana wayo w'ikinege, kugira  
ngo umwizera wese adapfa buru-  
ndu, ahubwo ahabwe ubugingo  
buhoraho.

—Yohani 3:16

Nyamara Imana yuzuye imba-  
bazi, kubera urukundo rwinshi  
yadukunze, yadusanze dupfuye  
tuzize ibicumuro byacu, maze  
iduha ubugingo hamwe na Kri-  
sto—erega mwakijijiwe n'ubuntu  
bwayo!

—Abanyezezi 2:4, 5

Uwiteka yambonekeye kera, ati  
Ni ukuri nagukunze urukundo  
ruhoraho; ni cyo cyatumye nguku-  
ruza ineza, nkakwiyegereza.

—Yeremiya 31:3

Mbere y'umunsi mukuru wa  
Pasika y'Abayahudi, Yezu ame-  
nya ko igihe cye kigeze cyo kuva  
kuri iyi si, agasubira kwa Se.  
Nk'uko yari asanzwe akunda abe  
bari ku isi, ni ko yakomeje  
kubakunda kugeza ku iherezo.

—Yohani 13:1

Ibikore kandi, ifatanyije na  
Yezu Kristo, watanzwe ho umuga-  
bo w'indahemuka, akaba yara-  
bimburiye abandi kuzuka mu ba-  
pfuye, akagirwa umutware w'aba-  
mi bategeka iyi si. Kristo aradu-  
kunda, ni na we watubohoye, ame-  
na amaraso ye ngo atuvane mu  
byaha byacu.

—Ibyahishuwe 1:5

## UBUMANA BWA YEZU KRISTO

Mbere na mbere, uwitwa Jambo yari ariho. Jambo uwo yari kumwe n'Imana, kandi yari Imana... Jambo yabaye umuntu, aba hagati muri twe, yuzuye ubuntu n'ukuri. Nuko tubona ikuzo rye, ari ryo kuzo rikwiriye umwana w'ikinege, akomora kuri Se.

—Yohani 1:1, 14

Yezu aramubwira ati “Filipo we, nabanye namwe igithe kingana gitya, none ukaba utanzi! Umbo-nye aba abonye na Data. None wavuga ute ngo nimbereke Data? Mbese ntiwemera ko ndi muri Data, kandi na Data akaba ari muri jye?”

—Yohani 14:9, 10a

Byose byabereye kugira ngo bibe nk'uko Nyagasani yari yaratemye umuhanuzi kubivuga, ati “Dore umukobwa w'umwari aza-sama inda, abyare umwana w'umuhungu, bamwite Emanuweli, bisobanura ngo ‘Imana iri kumwe natwe.’”

—Matayo 1:22, 23

Nta wabihakana: ibanga ryo kubaha Imana rirakomeye! Uwo rivuga: yagaragajwe ari umuntu; atangazwa ko ari intungane na Mwuka w'Imana; arangamirwa n'abamarayika; yamamazwa mu mahanga; yemerwa n'abo ku isi; ajyanwa mu ijuru, ahabwa ikuzo.

—1 Timoteyo 3:16

# YEZU, UMWANA W'IMANA

3

Marayika aramusubiza ati  
“Mwuka Muziranenge azakuza-  
ho, n’ububasha bw’Imana buku-  
bumbatire. Ni cyo gituma umwa-  
na uzabyara azaba umuziranenge,  
yitwe Umwana w’Imana.

—Luka 1:35

Nuko umwana yatuvukiye,  
duhawe umwana w’umuhungu,  
ubutware buzaba ku bitugu bye:  
azitwa Igitangaza, Umujyanama,  
Imana ikomeye, Data wa twese  
Uhoraho, Umwami w’amahoro.

—Ezayi 9:6

Jye sinari nzi uwo ari we, ariko  
Imana yantumye kubatirisha  
amazi yari yarambwiye iti “Uwo

uzabona Mwuka amumanukiye-  
ho, maze akamugumaho, ni we  
ubatirisha Mwuka Muziranenge.”  
Narabyiboneye, none ndahamya  
ko uwo ari we Mwana w’Imana.

—Yohani 1:33, 34

Akivuga atyo, igicu kirabudika  
kibarengaho, bumva ijwi ry’ūvu-  
gira muri icyo gicu, ati “Uyu ni  
Umwana wanjye nkunda cyane;  
ni we byishimo byanje. Nimu-  
mutege amatwi!” —Matayo 17:5

Umuntu wese wemeza ku muga-  
ragaro ko Yezu ari we Mwana  
w’Imana, Imana iguma muri we,  
na we akaguma muri yo.

—1 Yohani 4:15

## YEZU ATUMENYESHA UWO ARI WE

Yezu aramubwira ati “Ni jye kuzuka n’ubugingo. Unyizera wese, n’aho yaba yarapfuye, azabaho.

—Yohani 11:25

Munyita Umwigishà na Shobuja, kandi ntimwibeshya kuko ari ko biri.

—Yohani 13:13

Nuko Yezu arababwira ati “Mwe mukomoka ku isi, naho jye nkomoka mu ijuru. Muri ab’iyi si, jyewe sindi uw’iyi si.”

—Yohani 8:23

Yezu arabasubiza ati “Ndabbwira nkomeje: kuva mbere y’uko Aburahamu abaho, jye ndiho.”

—Yohani 8:58

Yezu arababwira ati “Ni jye mugati w’ubugingo; unsanga nta bwo asonza, kandi unyemera ntazagira inyota ukundi.

—Yohani 6:35

Igihe nkiri ku isi, ndi urumuri rw’isi.

—Yohani 9:5

Umugore aramubwira ati “Nzi ko Mesiya, uwo bita Kristo, agiye kuza. Naza, azatubwira byose.” Yezu aramubwira ati “Ni jyewe, uwo muvugana.” —Yohani 4:25, 26

Yezu yungamo ati “Ndabbwira nkomeje: ni jye rembo ry’i-ntama.”

—Yohani 10:7

Nuko ategeka rubanda kwicara mu byatsi, afata iyo migati itanu n'amafi abiri, areba ku ijuru, ashimira Imana. Maze amanyura imigati, ayiha abigishwa be, na bo bayikwiza abo bantu. Nuko bose bararya, barahaga, bateranya ibisagutse, byuzura inkangara cumi n'ebyiri. Abariye bari nk'ibihumbi bitanu, utabariyemo abagore n'abana.—Matayo 14:19-21

Ngo amare kuvuga, abwira Simoni, ati "Igiza ubwato ahari amazi menshi, maze wowe na bagenzi bawe, muterere imitego y'amafi mu mazi, murobe." Simoni aramusubiza ati "Mutwa-

re, iri joro ryose twarikesheje turoba, nyamara ntitwagira icyo dufata. Ariko ubwo ari wowe ubivuze, reka nterere imitego." Babigenje batyo, bafata amafi menshi cyane, ndetse imitego yabo, imigozi yayo itangira guci-ka.

—Luka 5:4-6

Nuko impumyi ebyiri zikaba zicaye iruhande rw'inzira. Zumvi-se ko ari Yezu uhise, ziranguru-ra amajwi, ziti "Nyagasani, Mwe-ne Dawidi, tugirire impuhwe!" .... Yezu azigirira impuhwe, azi-kora ku maso, uwo mwanya zira-humuka; ziherako ziramukurikira.

—Matayo 20:30, 34

## YEZU KRISTO NI WE MUREMYI N'UMWAMI

Imana ni indahemuka; ni na yo yabahamagaye ngo mugirane ubumwe n'Umwana wayo, Yezu Kristo Umwami wacu.

—1 Abanyakorinti 1:9

None rero urubyaro rwose rw'Israheli rukwiriye kumenya rudashidikanya ko Yezu uwo mwabambye, Imana yamugize Nyagasani, imugira na Kristo.

—Ibyakozwe n'Intumwa 2:36

Ariko ubu, tugeze mu gihe cy'imperuka, (Imana) yatumenyesheje ibyayo, idutumyeho Umwana wayo. Uwo ni we yateganyije guha byose ho umunani, kandi ni

na we yakoresheje kurema byose.  
—Abaheburayi 1:2

Ibantu byose byabayeho kubera we; nta na kimwe cyabayeho we atakirimo.  
—Yohani 1:3

Ni cyo cyatumye Kristo apfa, akazuka, ngo abe umwami w'abariho n'abapfuye.

—Abanyaroma 14:9

Ni we Imana yakoresheje irema ibantu byose, ari ibyo mu ijuru n'ibyo ku isi, ari ibyo amaso areba n'ibyo atareba; ari ibinyabwami, ibinyabutegetsi, ibinyabutware, cyangwa ibinyabushoboz. Byose ni we bikesha kuremwa, kandi ni we byaremewe.—Abanyakolosi 1:16

# YEZU KRISTO NI UMUCAMANZA W'ABANTU BOSE 7

Abatuye amahanga yose yo ku isi bazakoranyirizwa imbere ye, maze abavangure, nk'uko umushumba avangura intama, akazitandukanya n'ihene.

—Matayo 25:32

Data nta we acira urubanza, ahubwo yeguriye Umwana we ububasha bwo guca imanza zose.

—Yohani 5:22

Wowe rero, kuki unegura umuvandimwe wawe? Kandi kuki usuzugura umuvandimwe wawe? Erega twese tuzitaba urukiko rw'Imana, iducire urubanza!

—Abanyaroma 14:10

Nuko adutegeka kwamamaza ibye muri rubanda no kwemeza ko

ari we washyizweho n'Imana kuba umucamanza w'abazima n'abapfuye.

—Ibyakozwe n'Intumwa 10:42

Ni ko bizamera ku munsi Imana izaca urubanza rw'ibihishwe mu mitima y'abantu, ikoresheje Kristo Yezu—ni na ko Ubutumwa bwiza nahawe bubyemeza.

—Abanyaroma 2:16

Ndakwihanangiriza, ntanze Imana ho umugabo, hamwe na Kristo Yezu uzacira imanza abazima n'abapfuye: ibuka ko azagira atya ahinguke, aje kwima ingoma ye.

—2 Timoteyo 4:1

## GUCUNGURWA KWACU GUTURUKA KURI KRISTO WENYINE

**Ni jye rembo: uwinjira, ari jye anyuzeho, azarokoka. Azajya injira, asohoke, kandi abone urwuri.**

—Yohani 10:9

**Yezu aramusubiza ati “Ni jye nzira n’ukuri n’ubugingo. Nta wujya kwa Data atanyuze kuri jye.”**

—Yohani 14:6

**Ariko none Imana yabahereye ubuntu kuba intungane imbere yayo, babikesha gucungurwa na Kristo Yezu.**

—Abanyaroma 3:24

**Ni cyo gituma abasha gukiza byimazeyo abegera Imana banyuze kuri we, kuko abereyeho iteka**

kubavugira kuri yo.

—Abaheburayi 7:25

**Ni cyo gitumye mbabwira ko muzarinda mupfa mukiri mu byaha. Koko rero nimutemera uwo ndi we, muzarinda mupfa mukiri mu byaha.**

—Yohani 8:24

**Nta wundi agakiza kabonekaho; kuko ku isi yose nta wundi Imana yahaye abantu ufite ubushobozi bwo kudukiza.**

—Ibyakozwe n’Intumwa 4:12

**Nuko, amaze kuba indakemwa, yabereye abamwumvira bose isōko y’agakiza gahoraho.**

—Abaheburayi 5:9

# GUCUNGURWA KWACU GUTURUKA KURI KRISTO WENYINE

Mushimira Imana Data yaba-hesheje uruhare ku munani yage-neye intore zayo zigengwa n'umu-cyo. Ni yo yatubohoye, ituvana mu butware bw'umwijima, ituji-na mu bwami bw'Umwana wayo ikunda. Ni we dukesha gucungurwa, ari ko kubabarirwa ibyaha.

—Abanyakolosi 1:12-14

Umwana w'umuntu yazanywe no gushaka no gukiza abazimiye.

—Luka 19:10

Baririmba indirimbo nshya, bati “Ni wowe ukwiriye kwakira uwo muzingo, ukavanaho ibime-nyetso biwufunze, kuko wishwe, kandi amaraso yawe ari yo wacu-

nguje abantu, ukabagarurira Ima-na, ubavanye mu miryango yose no mu b'indimi zose, mu moko yose no mu mahanga yose.”

—Ibyahishuwe 5:9

Ni we witanze, aradupfira, kugira ngo aducungure, atuvane mu bugome bwose, kandi ngo atweze, atugire abantu be bwite bafite ishyaka ryo gukora ibyiza.

—Tito 2:14

Imana ubwayo ni yo yabahaye kuba muri Kristo Yezu; ni we utubera ubwenge buva ku Mana n'ubutungane n'ubuziranenge n'ugucungurwa.

—1 Abanyakorinti 1:30

## IMPONGANO Y'AMARASO YA KRISTO

**Ariko niba tugendera mu mucyo, nk'uko na yo iba mu mucyo, tuba dufitanye ubumwe, kandi amaraso ya Yezu, Umwana wayo, akatweza akatumaraho icyaha cyose.** —1 Yohani 1:7

**Ubwo bimeze bityo, mbega ukuntu amaraso ya Kristo azarushaho kuduhumanura! Kubera Mwuka uhoraho, yihaye Imana ho igitambo kidafite inenge. Amaraso ye ni yo azaduhumanura, adukize ibikorwa bituzanira urupfuturegwa n'imitima yacu, kugira ngo dukorere Imana nzima.**

—Abaheburayi 9:14

**Muzi ko atari ibintu bita agaciro nka feza cyangwa zahabu**

**byabacunguje ngo muve mu myifatire y'imburamumaro mwaitojwe na ba sogokuruza. Ahubwo icyabacunguye ni amaraso y'igiciro gikomeye ya Kristo, nk'ay'umwana w'intama utagira inenge cyangwa ubusembwa.**

—1 Petero 1:18, 19

**Noneho, ubwo twagizwe intungane imbere y'Imana n'amaraso ye, tuzarushaho gukizwa uburakari bwayo tubikesha Kristo.**

—Abanyaroma 5:9

**Muri we twacungujwe amaraso yamennye ku bwacu, bityo Imana itubabarira ibicumuro, ikurikije ubuntu bwayo butagira akagero.**

—Abanyeze 1:7

## DUKIZWA NO KWIZERA KRISTO

11

Uwabaye umwana w'Imana  
wese atsinda isi; kandi ngiyi  
insinzi y'isi; ni ukwizera Yezu  
kwacu.

—1 Yohani 5:4

Baramubaza bati “Twagenza  
dute kugira ngo dukore imirimo  
Imana idushakaho?” Yezu araba-  
subiza ati “Umurimo Imana iba-  
shakaho ni uko mwemera Uwo ya-  
tumye.”

—Yohani 6:28, 29

Koko mwakijijwe n'ubuntu ku-  
ko mwizeye Kristo; ntibyakomo-  
tse muri mwe, ahubwo ni impano  
y'Imana. Kandi ntibyakomotse  
ku bikorwa byanyu, kugira ngo  
hatagira umuntu ubyiratana.

—Abanyeze 2:8, 9

Nuko rero, ubwo kwemera  
Kristo kwatugize intungane imbe-  
re y'Imana, tubana amahoro na  
yo, tubikesha Yezu Kristo, U-  
mwami wacu. —Abanyaroma 5:1

Ariko ibi byandikiwe kugira  
ngo mwemere yuko Yezu ari  
Kristo, Umwana w'Imana, kandi  
ngo nimumwizera muherwe ubu-  
gingo muri we. —Yohani 20:31

Iyo umuntu ari muri Kristo  
Yezu, ari ugukebwa ari ukudake-  
bwa, byose nta cyo bimaze. Igifite  
akamaro ni ukwizera kugaraga-  
zwa n'ibikorwa by'urukundo.

—Abanyagalati 5:6

## IMBABAZI Z'IMANA

**Nk'uko ijuru ryitaruye isi, ni ko imbabazi agirira abamwubaha zingana.** —Zaburi 103:11

**Ariko, imbabazi Uwiteka agirira abamwubaha zahereye kera kose, zizageza iteka ryose, gukirankwa kwe kugera ku buzukuru babo.**

—Zaburi 103:17

**Iradukiza, itabitewe n'uko twakoze ibiyitunganiye, ahubwo ibitewe n'impuhwe zayo. Yadukirishije kutwuhagira, iduha kuvuka ubwa kabiri, no guhindurwa bashya na Mwuka Muziranenge.**

—Tito 3:5

**Imbabazi z'Uwiteka ni zo zituma tudashiraho, kuko ibambe rye ritabura. Zihora zunguka uko**

**bukeye; umurava wawe ni munini.**  
—Amaganya 3:22, 23

**Kuko imbabazi zawe ari ndende, zisumba ijuru; umurava wawe ugera mu bicu.** —Zaburi 108:4

**Ni iyihe Mana ihwanye nawe, ibabarira gukiranirwa, ikirengagiza igicumuro cy'abasigaye b'umwandu wayo? Ntihorana uburakari bwayo iteka, kuko yishimira kugira imbabazi.** —Mika 7:18

**Nihasingizwe Imana, se w'Umwami wacu Yezu Kristo! Yo yatugiriye imbabazi, iduha kuvuka ubwa kabiri, tukaba dufite ibyo twiringira bihamye, tubikesha izuka rya Yezu Kristo mu bapfuye.**  
—1 Petero 1:3

# IMANA IRADUHAMAGARA KUYISANGA

13

Mwuka n'Umugen'i baravuga bati "Ngwino!" Uwumva ibyo na we navuge ati "Ngwino!" Ufite inyota na we naze, n'ushaka wese aze, ajyane amazi y'ubugingo ku buntu!

—Ibyahishuwe 22:17

Yemwe abafite inyota, nimuze ku mazi, kandi n'udafite ifeza na we naze; nimuze mugure murye; nimuze mugure vino n'amata, mudatanze ifeza cyangwa ibindi biguzi.

—Ezayi 55:1

Nimuze tujye inama, ni ko Uwiteka avuga; naho ibyaha byanyu bitukura nk'umuhemba, birahinduka umweru bise na shelegi; naho bitukura tukutuku,

birahinduka nk'ubwoya bw'inta-ma bwera.

—Ezayi 1:18

Mwese abarushye n'abaremere-we, nimunsange, mbaruhure!

—Matayo 11:28

Ku munsi uheruka iminsi mikuru, ari na wo uruta iyindi, Yezu ahagaze mu Ngoro y'Imana, avuga aranguruye, ati "Umuntu wese ufite inyota nansange, maze anywe."

—Yohani 7:37

Koko turi intumwa za Kristo, ndetse Imana ubwayo ni yo ibahamagara ari twe ikoresheje. Turabinginga mu izina rya Kristo: nimwiyunge n'Imana!

—2 Abanyakorinti 5:20

## SI ABANTU BOSE ARI ABANA B'IMANA

Dore ibiranga abana b'Imana n'abana ba Satani: umuntu wese udakora ibitunganye si uw'Imana, kimwe n'ūdakunda umuvandimwe we.

—1 Yohani 3:10

Kugira ngo mube abana b'Imana batagira umugayo cyangwa amakemwa, nk'uko bikwiriye abana b'Imana baboneye, batuye mu bantu b'iki gihe b'abahemu n'abagizi ba nabi, mubabere imuri zimurikira isi. —Abanyafilipi 2:15

Abayoborwa na Mwuka w'Imana ni bo bana b'Imana. Mwuka mwahawe si uwo kubashyira mu buja, ngo musubire mu bwoba. Ahubwo Mwuka mwahawe ni uwo

kubagira abana b'Imana, agatuma tutakambira Imana, tuti "Aba!" ni ukuvuga ngo "Data!"

—Abanyaroma 8:14, 15

Nyamara abamwakiriye bose, bakemera uwo ari we, yabahaye ubushobozi bwo kuba abana b'Imana.

—Yohani 1:12

Ni cyo gituma Nyagasan avuga ati "Nimuve muri ba bantu, mwitandukanye na bo. Kandi ntimugakore ku kintu cyose gihumanya, nanjye nzabakira. Nzababera so, namwe mumbere abahungu n'abakobwa. Uko ni ko Nyagasan ushobora byose avuga." —2 Abanyakorinti 6:17, 18

## **IBYO IMANA IVUGA KU BYEREKEYE IBISINDISHA 15**

Dore ibibi kamere y'umuntu imukoresha: gusambana, kwiyanndarika n'ubwomanzi; gusenga ibigirwamana no kuroga; kwanga-na, amakimbirane, gufuha, kurakara no gutera amahane; kwitandukanya n'abandi no kwicamo ibice; ishyari, ubusinzi, umurengwe, n'ibindi bisa bityo. Nk'uko nigeze kubibabwira, na none ndabamenyesha hakiri kare ko abakora bene ibyo, nta munani bazahabwa mu bwami bw'Imana.

—Abanyagalati 5:19-21

Twifate uko bikwiriye abagenda ku manywa, tutarangwaho kurara inkera no gusinda, ubu-

sambanyi n'ubwomanzi, intonganya n'ishyari. Ahubwo Nyagasani Yezu Kristo ubwe ababere nk'umwambaro, kandi ntimureke kamere yanyu ibakoresha ibyo irarikira.

—Abanyaroma 13:13, 14

Ntukarebe vino uko itukura, igihe ibirira mu gikombe, ikamanuka neza. Amaherezó iryana nk'inzo-ka, igatema nk'impiri.

—Imigani 23:31, 32

Bazabona ishyano abazindurwa no kuvumba ibisindisha, bakaba ari cyo birirwa bakabirara inkera, kugeza aho bibahindura nk'abasazi.

—Ezayi 5:11

## KUBA UMUNYAKURI NTIBIHAGIJE

**Yezu aramusubiza ati “Ukunde Nyagasani Imana yawe n’umutima wawe wose n’ubuzima bwawe bwose n’ubwenge bwawe bwose. Iryo ni ryo tegeko ry’ingenzi riruta ayandi yose.** —Matayo 22:37, 38

**Yezu agihaguruka aho, umuntu aza yiruka, amupfukama imbere, aramubaza ati “Mwigisha mwiza, rwose nkore iki kugira ngo ngabane ubugingo buhoraho?” Yezu aramubaza ati “Unyitiye iki mwiza?” Nta mwiza n’umwe ubaho, keretse Imana yonyine. Uzi Amategeko, ngo ntuzice; ntuzasambane; ntuzibe; ntuzabeshyre abandi; ntuzahuguze; wubahe**

**so na nyoko.” Undi ati “Mwigisha, ayo yose narayakurikije uhereye mu buto bwanjye.” Nuko Yezu aramwitegerezza, maze aramukunda. Ni ko kumubwira ati “Icyakora ushigaje kimwe: genda, ugurishe ibyo utunze byose, ibivuyemo ubihe abakene, ni bwo uzaba wirundanyiriye ubukungu mu ijuru; maze uze unkurikire!” Uwo muntu ngo yumve iryo jambbo, arasuherwa, agenda ashavuye, kuko yari afite ibintu byinshi.**

—Mariko 10:17-22

**Hariho inzira umuntu yibwira ko ari nziza; ariko iherezo ryayo ni inzira z’urupfu.** —Imigani 16:25

## NTIMWISHUKE

**Hazaduka benshi biyita izina ryanje, bavuga batí “Ni jye Kristo.” Kandi bazayobya benshi.**

—Matayo 24:5

**Nitmukishuke ngo. mupfe kumva Ijambo ry’Imana gusa, ahubwo mujye mukora icyo ribabwira.**

—Yakobo 1:22

**Ntihakagire umuntu ubashukisha amagambo y’imburumumaro, kuko ibimeze bityo ari byo bituma Imana irakarira abatayumvira.**

—Abanyefezi 5:6

**Bana banje, ntihakagire ūbonyoba. Ukora ibitunganye aba ari intungane, nk’uko Kristo ari intungane. Ukora ibyaha ni uwa Sata-**

**ni, kuko Satani icye ari ugukora ibyaha kuva mbere na mbere.**

—1 Yohani 3:7, 8a

**Umuntu wibwira ko akomeye kandi nta cyo ari cyo, aba yibeshya.**

—Abanyagalati 6:3

**Mbese ntimuzi yuko abarenganya abandi batazabona umunani mu bwami bw’Imana? Ntimukibeshye! Inkozi z’ibibi, abasenga ibigirwamana, abasambanyi b’ingaragu cyangwa abubatse, abasambana bahuje igitsina, abajura, abanyamururumba, abasinzi, abatukana, ibisambo, abo bose nta munani bazagira mu bwami bw’Imana. —1 Abanyakorinti 6:9, 10**

## ICYAHA GITERA URUPFU

**Ukomeye mu byo gukiranuka,  
azahabwa ubugingo; kandi ūkuri-  
kirana ibibi, aba yishakiye uru-  
pfu.**

—Imigani 11:19

**Ubugingo bukora icyaha ni bwo  
buzapfa: umwana ntazazira ibya-  
ha bya se, kandi na se ntazazira  
ibyaha by'umwana we; gukiranu-  
ka k'umukiranutsi kuzaba kuri  
we, kandi ibyaha by'umunyabya-  
ha bizaba kuri we.** —Ezekiyeli 18:20

**Nyuma iryo rari rigatwita, rika-  
byara icyaha; n'icyaha cyamara  
gukura, kikabyara urupfu.**

—Yakobo 1:15

**Ibyaha byazanywe ku isi n'u-  
muntu umwe, ari we Adamu, ka-  
ndi ni byo byazanye urupfu. Bityo  
urupfu rugera ku bantu bose, ku-  
ko bose bakoze ibyaha.**

—Abanyaroma 5:12

**Guharanira ibyo kamere ishaka  
bibyara urupfu, naho guharanira  
ibyo Mwuka ashaka bibyara  
ubugingo n'amahoro.**

—Abanyaroma 8:6

**Byari ngombwa rwose ko twi-  
shima tukanezerwa, kuko muru-  
muna wawe uriya yari yarapfuye,  
none yazutse; yari yarabuze, none  
yabonetse.**

—Luka 15:32

Amaze kuvuga atyo, arangurura ijwi ahamagara, ati "Lazaro, sohoka!" Nuko uwari warapfuye arasohoka, amaguru n'amaboko bihambiriwe n'udushumi, no mu maso he hapfutswe igitambaro. Yezu arababwira ati "Nimumuhambure, mureke agende."

—Yohani 11:43, 44

Igituma Data ankunda ni uko nemera gutanga ubuzima bwanjye, kugira ngo nzabusubirane. Nta wubunyaga; ni jye ubutanga ku bushake bwanjye. Mfite ubushobozzi bwo kubutanga n'ubwo kubusubirana. Ayo ni yo mabwiriza nahawe na Data.

—Yohani 10:17, 18

Kristo yapfuye azize ibyaha byacu, nk'uko Ibyanditswe bivuga. Yarahambwe, maze ku munsi wa gatatu arazuka, nk'uko Ibyanditswe bivuga.

—1 Abanyakorinti 15:3,b 4

Nuko yegera ingobyi umurambbo warimo, ayikoraho, abayitwaye barahagarara. Maze Yezu aravuga ati "Musore, ndagutegetse, byuka!" Uwari wapfuye areguka, atangira kuvuga.

—Luka 7:14, 15a

Dore ndi muzima: nari narapfuye, none ndiho kugeza iteka ryose. Ni jye ufile imfunguzo, nshobora gufunga no gufungura urupfu n'ikuzimu. —Ibyahishuwe 1:18

## AMATEGEKO Y'IMANA

**Ntukagire izindi mana mu maso yanjye.**

**Ntukiremere igishushanyo kibajwe gisa n'ishusho yose iri hejurru mu ijuru, cyangwa hasi ku butaka, cyangwa mu mazi yo hepfo y'ubutaka: ntukabyikubite imbere, ntukabikorere . . .**

**Ntukavugire ubusa izina ry'Uwiteka Imana yawe; kuko Uwiteka atazamubara nk'utacumuye, uvugiyie ubusa izina rye.**

**Ziririza umunsi w'isabato, kugira ngo uweze, uko Uwiteka Imana yawe yagutegetse. Mu minsi itandatu ujye ukora, abe ari yo ukoreramo imirimo yawe yose:**

**ariko uwa karindwi ni wo sabato y'Uwiteka Imana yawe. . . .**

**Wubahe so na nyoko, uko Uwiteka Imana yawe yagutegetse . . .**

**Ntukice.**

**Kandi ntugasambane.**

**Kandi 'ntukibe.**

**Kandi ntugashinje ibinyoma mugenzi wawe.**

**Kandi ntukifuze umugore wa mugenzi wawe; ntukifuze inzu ya mugenzi wawe, cyangwa umurima we, cyangwa umugaragu we, cyangwa umuja we, cyangwa inka ye, cyangwa indogobe ye, cyangwa ikindi kintu cyose cya mugenzi wawe.**

**—Ivugururamategeko 5:7-12**

Nazamuka nkajya mu ijuru,  
uriyo: nasasa uburiri bwanjye  
ikuzimu, dore, uriyo... N'umwi-  
jima ntugira icyo uguhisha, ahu-  
bwo ijoro riva nk'amanywa; um-  
wijima n'umucyo kuri wowe ni  
kimwe.

—Zaburi 139:8, 12

Imana yabigize ityo ngo ahari  
nibayishakashaka bayibone. Ere-  
ga n'ubundi ntiri kure ya buri  
muntu muri twe!

—Ibyakozwe n'Intumwa 17:27

Amaso yayo ari ku migenzereze  
y'umuntu, kandi ireba amajya ye  
yose. Nta mwijima, cyangwa igi-  
cucu cy'urupfu, aho inkozi z'ibibi  
zishobora kwihiha.

—Yobu 34:21, 22

Hari uwabasha kunyihisha ahi-  
herereye simubone? Ni ko Uwite-  
ka abaza. Si jye ukwiriye ijuru  
n'isi?

—Yeremiya 23:24

Amaso y'Uwiteka aba hose; yi-  
tegerezza ababi n'abeza.

—Imigani 15:3

Nta gihishwe kitazahishurwa,  
nta n'ibanga ritazamenyekana  
ngo rishyirwe ku mugaragaro.

—Luka 8:17

Mu byaremwe byose, nta cyo  
Imana ihishwa. Ahubwo byose  
bitwikuruwe nk'ibyambitswe u-  
busa imbere yayo, ari yo tuzamu-  
rikira ibyo twakoze byose.

—Abaheburayi 4:13

## ABATUBAHA IMANA BAZABONA IGIHANO GIHORAHO

**Na none Ijambo ry'Imana ni ryo ryemeza ko ijuru n'isi by'ubu bibikiwe gutsembwa n'umuriro, umunsi abasuzugura Imana baza-cirwa iteka, bakarimbuka.**

—2 Petero 3:7

**Abanyabyaha bazasubizwa iku-zimu, ni bo mahanga yose yibagi-rwa Imana.**

—Zaburi 9:17

**Niba ikiganza cyawe cyangwa i-kirenge cyakugusha mu cyaha, ugice, ugite kure; ikiruta ni uko wa-kwinjira ahari ubugingo buhoraho ucitse ikiganza cyangwa ikirenge kimwe, aho kurohwa mu muriro utazima ufite ibiganza cyangwa i-birenge byombi.**

—Matayo 18:8

**Umwana w'umuntu azatuma abamarayika be, batoratore abaca abandi intege n'inkozi z'ibibi, babakure mu bwami bwe, maze babarohe mu itanura ry'umuriro, aho bazarira kandi bagahekenya amenyo.**

—Matayo 13:41, 42

**Ubwo rero bazahita bajya mu gihano cy'iteka, naho za ntungane zijye mu bugingo buhoraho.**

—Matayo 25:46

**Bazahabwa igihano cyo kuri-mbuka, bajyanwe kure ya Nyaganani, batandukanywe n'ikuzo rye n'ububasha bwe.**

—2 Abanyatesaloniki 1:9

Mbona n'abapfuye, abakomeye n'aboroheje, bahagaze imbere y'iyo Ntebe. Ibitabo birabumburwa. Habumburwa n'ikindi gitabo, ni cyo gitabo cy'ubugingo. Abapfuye bacirwa imanza zishingiye kubyio bakoze, uko byanditswe muri ibyo bitabo. —Ibyahishuwe 20:12

Koko rero, twese tugomba kuzitaba urukiko, kugira ngo duci-rwe urubanza na Kristo, umuntu wese yiturwe ibikwiriye ibyiza cyangwa ibibi azaba yarakoze agituye mu mubiri.

—2 Abanyakorinti 5:10

Yashyizeho umunsi wo gucira isi yose imanza zitabera, ikoreshe-

je umuntu yatoranyije. Kumuzura, akava mu bapfuye, byabereyeabantu bose icyemezo cyabyo.

—Ibyakozwe n'Intumwa 17:31

Bityo, umuntu wese azamurikira Imana ibyo yakoze.

—Abanyaroma 14:12

Umuntu wese agenewe gupfa rimwe gusa, nyuma yabyo agacirwa urubanza. —Abaheburayi 9:27

Bityo urukundo rwayo ruba muri twe rwuzuye, kugira ngo tutazagira icyo twishisha ku munsi wo guca imanza, kuko uko Kristo ameze ari ko natwe turi kuri iyi si.

—1 Yohani 4:17

**Nuko Intumwa za Kristo zikomeza guhamya ibyerekeye izuka rya Nyagasanani Yezu, zibivugana ububasha bukomeye; maze Imana isesekaza umugisha kuri bose.**

—Ibyakozwe n'Intumwa 4:33

**Koko rero, muzi ubuntu Umwami wacu Yezu Kristo yagize: nubwo yari umukungu, yigize umukene ku bwanyu, kugira ngo ubukene bwe bubagire abakungu.**

—2 Abanyakorinti 8:9

**Imana ishimwe kubera impano itagereranywa yatugabiye!**

—2 Abanyakorinti 9:15

**Icyakora igicumuro cya Adamu nta wakigereranya n'impano Ima-**

**na itanga. Ni ukuri igicumuro cy' umuntu umwe cyateje rubanda rwose urupfu. Nyamara, ubuntu bw'Imana mbega ukuntu buhebujje, kimwe n'impano igabira abantu bayikesha umuntu umwe, Yezu Kristo, ikarushaho gusakara muri rubanda.** —Abanyaroma 5:15

... Imana irwanya abirasi, abi-yoroshyia ikabahera ubuntu.

—1 Petero 5:5b

**Ibyo rero nta bwo biterwa n'ubushake bw'umuntu cyangwa n'umwete we, ahubwo bituruka ku Mana nyir'imbabazi.**

—Abanyaroma 9:16

**Koko Imana yirengagije ibihe bya kera ubwo abantu bari mu bujji, ariko ubu irahamagara abantu bose, iyo bava bakagera, ngo bihane.**

—Ibyakozwe n'Intumwa 17:30

**Nimwi hane, kuko uwami bw'i-juru bwegereje!** —Matayo 3:2

**Burya agahinda gahuje n'ibyo Imana ishaka gatera umuntu kwihana, kakamugeza ku gakiza; agahinda nk'ako nta mpamvu yo kuki cuza. Naho agahinda gasanzwe ko muri iyi si kageza umuntu ku rupfu.** —2 Abanyakorinti 7:10

**Reka mbabwire: ni na ko mu ijuru bishimira umunyabyaha u-**

**mwe wihannye, kuruta uko bishimira abantu b'intungane mirongo cyenda n'icyenda badakeneye kwihana.**

—Luka 15:7

**Nta bwo ari byo rwose, ahubwo ndababwira ko namwe, nimutiha-na, muzashira mwese nka bo.**

—Luka 13:3

**Nimute kure ibicumuro byanyu byose, ibyo mwakoze.**

—Ezekiyeli 18:31a

**Nuko rero nimwisubireho, mu-garukire Imana, kugira ngo ibya-ha byanyu bihanagurwe; habeho ibihe byo guhemburwa bituruka kuri Nyagasani.**

—Ibyakozwe n'Intumwa 3:19, 20a

Umunyabyaha nareke ingesoze, ūkiranirwa areke ibyo yibwira; agarukire Uwiteka, na we aramugirira ibambe; agarukire Imana yacu, kuko izamubabarira rwose pe.

—Ezayi 55:7

Maze imushyira hejuru mu ruhande rw'iburyo bwayo ngo abe Umutegetsi n'Umukiza, kugira ngo ashoboze Abisraheli kwhana ngo bababarirwe ibyaha.

—Ibyakozwe n'Intumwa 5:31

Yezu abonye ukwizera kwabo abwira uwo murwayi, ati "Mwana wanje, ibyaha byawe urabibabariwe."

—Mariko 2:5

Dore mpagaze ku rugi ndakomanga; unyumva wese agakingura, nzinjira iwe, nsangire na we, na we kandi asangire nanjye.

—Ibyahishuwe 3:20

Nimubarira abandi ibyo babacumuyeho, So uri mu ijuru na we azababarira ibyo mumucumuraho.

—Matayo 6:14

Ariko umunyabyaha nahindukira akava mu byaha bye byose yakoze, agakomeza amategeko yanje yose, kandi agakora ibitunganye bihwanye n'amategeko, ni ukuri azabaho, nta bwo azapfa.

—Ezekiyeli 18:21

Muhoze imitima ku byo mu ijuru, atari ku byo ku isi.

—Abanyakolosi 3:2

Nimwiyuuhagire mwiboneze, mukureho ibyaha byo mu mirimo yanyu bive imbere yanje; mureke gukora nabi. —Ezayi 1:16

Ntimugakunde isi, cyangwa ibiri ku isi. Umunta ukunda iby'isi, nta gukunda Imana aba afite. Iby'isi ni byo ibi: ibyo umubiri w'umuntu urarikira, n'ibintu amaso ye areba akabyifuza, n'ukuntu yirata ibyo afite. Ibyo byose ntibikomoka ku Mana Data, ahubwo bikomoka ku isi.

—1 Yohani 2:15, 16

Erega ubuntu bw'Imana bwanaze kugaragara; ni bwo sōko

y'agakiza ku bantu bose. Ubwo buntu butwigisha kuzinukwa imico mibi yo kutubaha Imana no kurarikira iby'isi, ngo muri ibi bihe bya none, tumenye kwifata, tūgire n'imibereho itunganye yo kūbahaa Imana.

—Tito 2:11, 12

Ntimukagire uruhare mu bikorwa by'imburamumaro bikorerwa mu mwijima, ahubwo mujye mubishyira ahagaragara.

—Abanyezezi 5:11

Mwa basambanyi mwe! Mbese ntimuzi ko ūcudika n'ab'isi aba ari umwanzi w'Imana? Nuko rero umuntu wese uhitamo kuba incuti y'ab'isi aba yigize umwanzi w'Imana.

—Yakobo 4:4

Nzabaha n'umutima mushya,  
mbashyiremo umwuka mushya;  
nzabakuramo umutima ukomeye  
nk'ibuye, mbashiremo umutima  
woroshye. —Ezekiyeli 36:26

Yezu aramusubiza ati “Ndaku-  
bwira nkomeje: umuntu utavutse  
ubwa kabiri ntabasha kubona u-  
bwami bw’Imana.” —Yohani 3:3

Erega, iyo umuntu ari muri  
Kristo, aba icyaremwe gishya;  
ibya kera biba bishize, byose  
bikaba bihindutse bishya.

—2 Abanyakorinti 5:17

Kuko mwabyawe ubwa kabiri,  
bidakomotse ku mbuto ibora,  
ahubwo ku mbuto itabora, ari yo

Jambo ry’Imana rizima kandi  
rihoraho. —1 Petero 1:23

Tuzi ko uwabaye umwana w’I-  
mana wese adakomeza gukora  
ibyaha, kuko Yezu Umwana wayo  
amurinda, maze Sekibi ntagire  
icyo amukoraho. —1 Yohani 5:18

Ubwo muzi ko Kristo ari intu-  
ngane, mumenye kandi ko umu-  
ntu wese ukora ibitunganye aba a-  
baye umwana w’Imana.

—1 Yohani 2:29

Umujura azanwa gusa no kwiba  
no kwica no kurimbura. Jyeweho  
nazanywe no kugira ngo intama  
zibone ubugingo, ndetse busesu-  
ye. —Yohani 10:10

**Imana yabazuranye na Kristo: none rero nimuharanire ibyo mu ijuru, aho Kristo ari, yicaye iburyo bw'Imana ku ntebe y'ibwami. Muhoze imitima ku byo mu ijuru, atari ku byo ku isi, kuko mwapfanye na Kristo, kandi ubugingo bwanyu bukaba bwarahishwe hamwe na we mu Mana.**

—Abanyakolosi 3:1-3

**Kera mwari mwarapfuye, muzize ibyaha byanyu no kudakebwa nk'Abayahudi, maze Imana ibazurana na Kristo. Yatubabariye ibicumuro byacu byose.**

—Abanyakolosi 2:13

**Kristo ubwe yatwaye ibyaha byacu mu mubiri we, abibamba-**

nwa ku musaraba, kugira ngo tube dupfuye ku byerekeye ibyaha, maze tube ho dutunganiye Imana. Erega “Inguma ze ni zo zabakije.”

—1 Petero 2:24

Ese ko twapfuye ku byerekeye ibyaha, twashobora dute kugumya kubikora? . . . Namwe ni uko: mujye mwemera ko muri intumbi ku bw'ibyaha, mukaba muriho ku bw'Imana, mubikesha kuba muri Kristo Yezu. —Abanyaroma 6:2, 11

Namwe mwari mupfuye, muzize ibicumuro n'ibyaha byanyu . . . Yatuzuranye na Kristo, idushyira hamwe na we ku ntebe ya cyami, “ahantu ho mu ijuru”, turi muri Kristo Yezu. —Abanyefezi 2:1, 6

Kandi ubugingo buhoraho ngubu: ni uko bakumenya, wowe Mana y'ukuri wenyine, bakamenya n'uwo watumye, Yezu Kristo.

—Yohani 17:3

Ubiba imbuto z'ibishimisha kamere ye, azasarura urupfu. Naho ūbiba imbuto z'ibishimisha Mwuka w'Imana, azasarura ubugingo buhoraho.—Abanyagalati 6:8

Kandi nk'uko mu butayu Musa yazamuye inzoka, akayishyira kugiti, ni ko n'Umwana w'umuntu agomba kuzazamurwa, kugirango umwizera wese ahabwe ubugingo buhoraho. —Yohani 3:14, 15

Ndababwira nkomeje: ūntega amatwi, akizera Uwantumye, aba afite ubugingo buhoraho. Ntazacirwa iteka, ahubwo aba avuye mu rupfu, ageze mu buggingo.

—Yohani 5:24

Uwemera Umwana w'Imana aba abonye ubugingo buhoraho, naho utamwumvira ntazabona ubwo buggingo, ahubwo Imana iza-gumya imurakarire. —Yohani 3:36

Ibihembo by'ibyaha ni urupfu, ariko impano y'Imana ni ubugingo buhoraho duherwa muri Kristo Yezu, Umwami wacu.

—Abanyaroma 6:23

## KUMENYA KO DUKIJIWE

31

Uwemera amategeko yanje, akayakurikiza, uwo ni we unkunda; kandi ūnkunda azakundwa na Data, nanje nzamukunda, kandi nzamwiyereka. —Yohani 14:21

Umurimo wo gukiranuka ni amahoro; kandi ibiva ku gukiranuka ni ihumure n'ibyiringiro bida-shidikanywa iteka ryose.

—Ezayi 32:17

Mwuka ubwe ni we utwemeza mu mitima ko turi abana b'Imana.  
—Abanyaroma 8:16

Bana banje, urukundo rwacu ntirugahere ku rurimi gusa, ahubwo rube mu kuri. Uko ni ko tuzamenya ko turi ab'ukuri. Ni na

ko tuzashobora guhagarara imbere y'Imana, nta cyo twishisha.

—1 Yohani 3:18, 19

Ikitumenyesha ko tuguma muri yo, kandi ko na yo iguma muri twe, ni uko yaduhaye Mwuka wayo.

—1 Yohani 4:13

Koko muri abana bayo, ndetse Imana yashyize mu mitima yacu Mwuka w'Umwana wayo, utuma tuyitakambira, tuti “Aba!” ni ukuvuga ngo “Data!”

—Abanyagalati 4:6

Icyo tumenyeraho ko tuzi Imana ni uko dukurikiza amategeko yayo.

—1 Yohani 2:3

## 32 IYO KRISTO ARI MURI TWE, ADUHA UMUNEZERO

Koko rero, ubwami bw'Imana ntibushingiye ku kurya no kunywa, ahubwo bushingiye ku migirire itunganye n'amahoro n'ibyishimo duheshwa na Mwuka Muziranenge. —Abanyaroma 14:17

Nabambanywe na Kristo ku musaraba, ku buryo atari jye uki-riho, ahubwo ari Kristo uraho muri jye. Imibereho yanje yo muri iki gihe nyikesha kwizera Umwana w'Imana wankunze, akamfira.

—Abanyagalati 2:20

Ni cyo gituma muzavomana ibyishimo mu mariba y'agakiza.

—Ezayi 12:3

Ibyo mbibabwiriye kugira ngo ibyishimo byanje bibe muri

mwe, kandi n'ibyishimo byanyu bibe bisesuye. —Yohani 15:11

Ubu rero nje aho uri, ariko ibyo mbivuze nkiri ku isi, kugira ngo ibyishimo byanje bibasendere mu mitima. —Yohani 17:13

Uzamenyesha inzira y'ubugingo: imbere yawe ni ho hari ibyishimo byuzuye; mu kuboko kwa-we kw'isburyo hari ibinezeza iteka ryose.

—Zaburi 16:11

Nzongera kubabona, maze ibyishimo bibasabe mu mutima, kandi nta wuzabibavutsa. Kugeza ubu, nta cyo mwigeze musaba mu izina ryanje: musabe, muzahabwa, kugira ngo ibyishimo byanyu bisendere. —Yohani 16:22b, 24

Ariko ni mutumvira Uwiteka mukagbmera itegeko rye, ukuboko k'Uwiteka kuzabakoraho nk'uko kwakoze kuri basogokuruza.

—1 Samweli 12:15

Ntimuzi se ko iyo mwiyeguriye umuntu ngo ababere Shobuja, mumwumvire, icyo gihe muba mwishyize mu buja bw'uwo mu-  
ntu mwemeye kumvira? Byaba a-  
ri ibyaha mwiyeguriye, bizabage-  
za ku rupfu; kwaba ari ukumvira  
Imana, bizabageza ku butungane.

—Abanyaroma 6:16

Namwe abababazwa ibiture ku-  
ruhukana natwe. Ni ko bizamera  
igihe Nyagasani Yezu azahishu-  
rwa avuye mu ijuru, ashagawe n'

abamarayika be yahaye ububa-  
sha. Azaza mu muriro uguruma-  
na, yihorere ku batazi Imana, ntib-  
umvire Ubutumwa bwiza bw'U-  
mwami wacu Yezu. Bazahabwa i-  
gihano cyo kurimbuka, bajyanwe  
kure ya Nyagasani, batanduka-  
nywe n'ikuzo rye n'ububasha bwe.

—2 Abanyatesaloniki 1:7-9

Dore, uyu munsi mbashyize i-  
mbere umugisha n'umuvumo: u-  
wo mugisha muzawuhabwa ni  
mwitondera amategeko y'Uwite-  
ka Imana yanyu, mbategeka uyu  
munsi; uwo muvumo muzawuvu-  
mwa ni mutumvira amategeko  
y'Uwiteka Imana yanyu.

—Ivugururamatgeko 11:26-28a

## GUHAMYA KRISTO NI NGOMBWA

Bose bamwogeze mu ruhame,  
bemeze ko Yezu Kristo ari we  
Nyagasani, ngo biheshe Imana  
Data ikuzo. —Abanyafilipi 2:11

Umuntu wese uzanyemera i-  
mbere y'abantu, nanjye nzamwe-  
mera imbere ya Data uri mu ijuru.  
Ariko uzanyihakanira imbere y'a-  
bantu, nanjye nzamwiakanira  
imbere ya Data uri mu ijuru.

—Matayo 10:32. 33

Nubyivugira n'umunwa wawe  
ko Yezu ari Nyagasani, ukemera  
mu mutima wawe ko Imana ya-  
muzuye mu bapfuye, uzakizwa.

—Abanyaroma 10:9, 10

Umuntu wese uhakana Umwa-  
na w'Imana, aba ahakanye n'Ima-  
na Se. Naho uwemera Umwana  
w'Imana ku mugaragaro, aba ye-  
meye n'Imana Se. —1 Yohani 2:23

Umuntu wese ugira isoni zo ku-  
nyemera, kimwe no kwemera inyi-  
gisho zanjye, Umwana w'umuntu  
na we azagira isoni zo kumweme-  
ra igihe azaba aje afite ikuzo rye  
n'iryse se n'iry'abamarayika b'i-  
ntore ze.

—Luka 9:26

Umuntu wese wemeza ku muga-  
ragaro ko Yezu ari we Mwana w'I-  
mana, Imana iguma muri we, na  
we akaguma muri yo.

—1 Yohani 4:15

Uwo Mugome azaza akoreshwa n'imbaraga za Satani, ngo atange ibimenyetso, akore ibitangaza n'i-bindibikorwa by'ububasha by'uburyo bwose byo kuyobya abantu. —2 Abanyatesaloniki 2:9

Ngutumye kubahumura amaso, ngo ubahindure, bave mu mwijima, bagere mu mucyo; bave no mu bushobozi bwa Satani, bagarukire Imana, kugira ngo nibanyemera, bababarirwe ibyaha, kandi bahabwe ku munani wageneweabantu Imana yagize intore zayo.

—Ibyakozwe n'Intumwa 26:18

Mwirinde gutegekwa n'inda, kandi mube maso, kuko umwanzi

wanyu Satani akora hirya no hino nk'intare itontoma, ishaka uwo iconshomera. —1 Petero 5:8

Mwitwaze intwaro z'Imana, kugira ngo mubashe guhagarara kigabo, mudatsinzwe n'uburiganya bwa Satani. —Abanyefezi 6:11

Maze Yezu ajyanwa na Mwuka w'Imana mu butayu, ngo ahageragerezwe na Satani . . . . Yezu aramubwira ati "Have Satani; kuko byanditswe ngo 'Uzaramye Nyagasani Imana yawe, abe ari yo usenga yonyine.'" Maze Satani amusiga aho, haza abamarayika, baramukorera. —Matayo 4:1, 10, 11

## KUNESHA SATANI

Ubwo ni bwo wa Mugome azahishurwa; noneho, igihe Nyagasan (Yezu) azaba aje, amwicishe umwuka wo mu kanwa ke, amutsembeshe ukurabagirana kwe.

—2 Abanyatesaloniki 2:8

Nuko rero nimwemere kugengwa n'Imana, ariko murwanye Satani, na we azabahunga. Nimwegere Imana, na yo izabegera.

—Yakobo 4:7, 8a

Ubwo rero abo yagize abanabayo bahuzwa no kugira umubiri n'amaraso, Yezu na we ubwe yabihuriyeho na bo. Kwari ukugira ngo, kubera urupfu rwe,

anyage Satani ubushoboz bwe, we wagengaga imbaraga z'urupfu.

—Abaheburayi 2:14

Ukora ibyaha ni uwa Satani, kuko Satani icye ari ugukora ibyaha kuva mbere na mbere. Icyazanye Umwana w'Imana ku isi ni ukugira ngo atsembe ibikorwa bya Satani.

—1 Yohani 3:8

Ni nde uzadutandukanya n'urukundo rwa Kristo? Ese amakuba yabishobora? Cyangwa se ishavu, gutotezwa, inzara, ubukene, akaga, urupfu? . . . Ariko muri ibyo byose, turushaho gutsinda tubikesha uwadukunze.

—Abanyaroma 8:35, 37

## URUKUNDO NI RWO RWEREKANA ABIGISHWA BA KRISTO

**Umuntu navuga ati “Nkunda Imana”, ariko akanga umuvandimwe we, aba ari umunyabinyoma; ese ūdakunda umuvandimwe we abona, yabasha ate gukunda Imana atabona? —1 Yohani 4:20**

**Icyo bose bazamenyeraho ko muri abigishwa banjye ni uko bazabona urukundo mufitanye.**

—Yohani 13:35

**Nyamara, imbuto ziva kuri Mwuka ni izi: urukundo, ibyishimo, amahoro, kwihangana, kugira neza, imico myiza, kudahemuka, kugwa neza no kumenya kwifata.**

—Abanyagalati 5:22, 23a

**Tuzi ko tumaze kuvanwa mu rupfu, tukagezwa mu bugingo, kuko dukunda abavandimwe bacu. Udukunda aba akiri mu rupfu.**

—1 Yohani 3:14

**Nubwo navuga indimi z'abantu n'iz'abamarayika, ariko singire urukundo, naba meze nk'ingoma inihira cyangwa inzogera irangira.**

—1 Abanyakorinti 13:1

**Yongera kumubaza ubwa kabi-ri, ati “Simoni, mwene Yohani, urankunda?” Aramusubiza ati “Yego Nyagasani, uzi ko ngukunda.” Yezu ati “Ragira intama zanjye, uziteho!” —Yohani 21:16**

Nuko iminsi munani ishize, na bwo abigishwa ba Yezu bari muri ya nzu, noneho na Tomasi ari kumwe na bo. Yezu araza inzugi zikinze, ahagarara hagati yabo, aravuga ati "Nimugire amahoro!" Maze abwira Tomasi, ati "Shyira urutoki aha ngaha, witegereze ibiganza byanjye, kandi unshyire n'ikiganza mu rubavu. Nuko ureke gushidikanya, ahubwo unyemere!" Tomasi aramusubiza ati "Mwami wanjye! Mana yanjye!" —Yohani 20:26-28

Yashyikirijwe abamwica, azira ibyaha byacu, maze arazuka ngo tugirwe intungane imbere y'Imana.  
—Abanyaroma 4:25

Ku cyumweru mu museke, ari wo munsi wa mbere, Yezu amaze kuzuka, abanza kwiyerekana Mariya w'i Magadala, uwo yari yarameneshejemo ingabo ndwi za Sata ni.

—Mariko 16:9

Kandi rero ni twe bagabo b'ibyo yakoze byose, i Yeruzalemu n'ahandi mu gihugu cy'Abayahudi. Baramwishe, bamubambye ku musaraba. Ariko Imana imuzura ku munsi wa gatatu, imuha kwiyerekana. Ntiyyiyerekana rubanda rwose, ahubwo yiyerekana abagabo Imana yatoranyije mbere ngo bahamye ibye; abo ni twe twasangiyenye na we amaze kuzuka.

—Ibyakozwe n'Intumwa 10:39-41

## UKUZUKA NI BYO BYIRINGIRO BYACU BY'IGICIRO 39

Ndababwira nkomeje: hagiye kuza igihe, na ko kirageze, ubwo abapfuye bazumva ijwi ry'Umwana w'Imana, kandi abazaryumva bazabaho. . . . Ibyo ntibibatangaze: erega igihe kigiye kuza ubwo abari mu mva bose bazumva ijwi rye, bakavamo. Abazaba barakoze ibyiza bazazuka, bahabwe ubugingo; naho abazaba barakoze ibibi bazazuka, bacirweho iteka.

—Yohani 5:25, 28, 29

Mbese muyobewe ko twese, ababatirijwe kuba umwe na Kristo Yezu, twabatirijwe kuba umwe na we mu rupfu rwe? Ni ukuvuga ko, igihe twabatizwaga, twahambanywe na we; kwari ugupfa

nk'uko na we yapfuye, kugira ngo, nk'uko Kristo yazutse mu bapfuye ku bw'ikuzo ry'Imana Data, abe ari ko natwe tubaho du-fite ubugingo bushya. Koko rero, ubwo twabaye umwe na we, dupfuye nk'uko yapfuye, tuzaba umwe na we na none, tuzutse nk'uko yazutse.

—Abanyaroma 6:3-5

Uhereye ubwo, Yezu atangira gusobanurira abigishwa be yuko ari ngombwa ko ajya i Yeruzalemu, akababazwa uburyo bwinshi n'abakuru b'imiryango n'abakuru bo mu batambyi n'abigishamategeko, bakamwica, maze ku munsi wa gatatu akazuka. —Matayo 16:21

## KUBERA IMANA ABAZIRANENGE

Imana izaturokora, ikatuvana mu maboko y'abanzi bacu, ngo tuyikorere, ari nta cyo twikanga, tutarangwaho inenge cyangwa umugayo iminsi yose y'ukubaho kwacu.

—Luka 1:74, 75

Ncuti nkunda, ayo masezerano ni twe yahawe. Bityo rero, nimucyo twiyeze, twivaneho ikintu cyose gishobora kuduhumanya imibiri cyangwa imitima; twihati-re kuba abaziranenge rwose, tubi-tewe no gutinya Imana.

—2 Abanyakorinti 7:1

Uwiboneza rero, akimaraho ibyo bibi, azaba igikoresho kigene-we imirimo y'icyubahiro, cyeguri-we nyira cyo, kikamugirira aka-

maro, kandi gikwiranye igikorwa cyiza cyose. —2 Timoteyo 2:21

Imana Data yabatoranyije, iku-rikije umugambi yagize kuva ke-ra; Mwuka abagira intore zayo, kugira ngo mwumvire Yezu Kri-sto, mwezwe n'amaraso yabame-neye.

—1 Petero 1:2a

Ahubwo mube abaziranenge mu myifatire yanyu yose, nk'uko Imana yabajahamagaye ari umuziranenge.

—1 Petero 1:15

Ujye wihatira kwishyira Imana, uri umukozi ushimwa, utagomba gutterwa isoni n'umurimo ayiko-rrera, ahubwo uvuga Ijambo ryayo ry'ukuri uko riri. —2 Timoteyo 2:15

## KUBERA IMANA ABAZIRANENGE

41

Kandi hazabayo inzira nyabagendwa, iyo nzira izitwa inzira yo kwera. Abanduye imitima ntibazayicamo, ahubwo izaba iya ba bandi. Abagenzi naho baba ari abaswa ntibazayiyoba.—Ezayi 35:8

Nuko rero, ubwo byose bizayoyoka bityo, murumva ukuntu mukwiye kumera! Mbega ukuntu mugomba kuba abaziranenge, mukubaha Imana! —2 Petero 3:11

Nyamara nitwemera ku mugragaro ibyaha byacu, Imana yo ni indahemuka n'intabera, ku buryo itubabarira ibyaha byacu, kandi ikatweza, ikatumaraho ikibi cyose.  
—1 Yohani 1:9

Mwambare kamere nshya Imana yaremye iyishushanyijeho; iyo kamere irangwa n'ubutungane n'ubuziranenge bikomoka ku kuri.

—Abanyeze 4:24

Isi itararemwa, Imana yadutoranyirije muri Kristo, ngo tube intore zayo, tudafite umugayo imbere yayo.  
—Abanyeze 1:4

Jyewe ndabatirisha amazi kugira ngo mwihamwe, ariko nyuma yanjiye, hagiye kuza undusha ububasha; ntibinkwiriye no kumukuramo inkweto. We azababatirisha Mwuka Muziranenge n'umuriro.  
—Matayo 3:11

## ABUZUYE MWUKA W'IMANA

**Kandi nzabashyiramo Umwuka wanjye, ntume mugendera mu mateka yanje, mugakomeza n'a-mategeko yanje, mukayasohoza.**

—Ezekiyeli 36:27

**Mwuka Muziranenge nabazaho, muzahabwa ububasha. Bityo mu-zaba abagabo bo guhamya ibyanjye . . .** —Ibyakozwe n'Intumwa 1:8a

**Bamaze gusenga, ahantu bari bakoraniye haratigita. Bose buzura Mwuka Muziranenge, maze batangaza Ijambo ry'Imana bashize amanga.**

—Ibyakozwe n'Intumwa 4:31

**Mwebwe rero, nta bwo mugengwa na kamere yanyu, ahubwo mugengwa na Mwuka, kubera ko**

**Mwuka w'Imana abatuyemo. U-dafite Mwuka wa Kristo nta bwo aba ari uwe.** —Abanyaroma 8:9

**Abigishwa ba Kristo bo mu A-ntiyokiya basigaye buzuye ibyishimo na Mwuka Muziranenge.**

—Ibyakozwe n'Intumwa 13:52

**None se, ko muzi guha abana banyu ibyiza, kandi muri babi, So uri mu ijuru ntazarushaho guha Mwuka Muziranenge abamumu-sabye?**

—Luka 11:13

**Barunaba yari umuntu mwiza, wuzuye Mwuka Muziranenge no kwizera Kristo. Bityo abantu benshi biyongera ku bemeraga Nya-gasani.**

—Ibyakozwe n'Intumwa 11:24

# AMASEZERANO Y'IGITANGAZA IMANA YAHAYE ABAKRISTO

43

Ncuti nkunda, ntimugatanga-zwe n'uruganda rukaze mugomba-gucamo, ngo mumere nk'abage-zweho n'ikintu kidasanzwe. Ahubwo mwishimire gufatanya na Kristo imibabaro, kugira ngo, igi-he ikuzo rye rizahishurwa, muza-himbarwe muvuze n'impundu.

—1 Petero 4:12, 13

Uwiteka aba hafi y'abafite imitima imenetse, kandi akiza abafite imitima ishenjaguwe.

—Zaburi 34:18

Wiringira Uwiteka, ukore ibyiza; guma mu gihugu, ukurikize umurava.

—Zaburi 37:3

Izahanagura amarira yose ku maso yabo, kandi urupfu ntiruzongera kubaho ukundi. Nta wuzongera gupfusha, cyangwa kuboroga, cyangwa kuribwa, kuko ibya mbere bizaba bivuyeho.

—Ibyahishuwe 21:4

Kuko ibyo byose ukuboko kwanjye ari ko kwabiremye, bikabaho byose, ni ko Uwiteka avuga; ariko uwo nitaho ni umukene ufite umutima umenetse, agahindishwa umushitsi n'ijambo ryanjye.

—Ezayi 66:2

Kandi dore, ndi kumwe namwe iminsi yose kugeza ku mperuka y'isi.

—Matayo 28:20b

## IBYO IMANA YASEZERANYIJE ABARI MU BIGERAGEZO

Tuzi kandi ko byose bifatanyiriza hamwe kuzanira ibyiza abakunda Imana, abo yahamagaye, nk'uko abyiyemeje.

—Abanyaroma 8:28

Amakuba n'ibyago by'umukiranutsi ni byinshi, ariko Uwiteka amukiza muri byose. —Zaburi 34:19

Nuko rero, abasha kugoboka abageragezwa, kubera ko na we yageragejwe akababazwa.

—Abaheburayi 2:18

Ntimwigeze muhura n'ikigera-gezo na kimwe kidasanzwe mu bantu. Imana ni indahemuka; nta

bwo izatuma mugeragezwa n'ibiruta ibyo mwabasha gutsinda. Ahubwo nimugeragezwa, izabashobozza kubyihanganira, ibacire n'akanzu ngo mubone uko mubyivanamo. —1 Abanyakorinti 10:13

Nunyura mu mazi nzaba ndi kumwe nawe; nuca no mu migezi, ntizagutembana; nunyura mu muriro ntuzashya, kandi ibirimbyawo ntibizagufata. —Ezayi 43:2

Imana, ya sōko y'amahoro, ntizatinda kujanjagurira Satani muni y'ibirenge byanyu.

—Abanyaroma 16:20

Utsinda wese azambikwa imyambaro yera, kandi sinzigera mpaganura izina rye mu gitabo cy'ububingo. Nzemera ko ari uwanjye imbere ya Data n'imbere y'abamarayika be. —Ibyahishuwe 3:5

Utsinda wese, nzamugira inkingi mu Ngoro y'Imana yanje: ntazigera asohokamo ukundi. Nzandika kuri we izina ry'Imana yanje n'iry'umurwa wayo, ari wo Yeruzalemu nshya igiye kumanuka iturutse mu ijuru ku Mana yanje. Kandi nzandika kuri we izina ryanje rishya.

—Ibyahishuwe 3:12

Uzatsinda wese, agakomeza gukora ibyo nshaka kugeza ku iherezo, nzamuha ubushobozi bwo gutegeka amahanga.

—Ibyahishuwe 2:26

Ufite amatwi yumva, ngaho niyumve icyo Mwuka w'Imana abwira amatorero yay! Utsinda wese nzamuha kurya ku mbuto z'igit cy'ububingo, kiri mu buturo bw'Imana. —Ibyahishuwe 2:7

Utsinda nzamuha kwicarana nanje ku ntebe yanje ya cyami, nk'uko nanje natsinze, nkicarana na Data ku ntebe ye ya cyami.

—Ibyahishuwe 3:21

## IBYO IMANA IVUGA KU GUTANDUKANA KW'ABASHAKANYE

**Ariko jyeweho ndababwira yuko umuntu wese usenda umugore we, atamuhora gusambana, aba amuteye gusambana; kandi ūzacyura uwasenzwe, azaba asambanye.**

—Matayo 5:32

**Umuntu wese wirukana umugore we, akazana undi, aba asambanye, kandi ucyura umugore wirukanywe, na we aba asambanye.**

—Luka 16:18

**Itegeko rigenga abashakanye rishinga umugore kubana n'umugabo we igihe cyose akiriho; ariko iyo umugabo amaze gupfa, umugore ntaba akigengwa n'iryo tege-**

ko. Ni cyo gituma umugore wishyingira undi mugabo, uwe akiraho, yitwa umusambanyi. Ariko niba umugabo we amaze gupfa, uwo mugore ntaba akigengwa n'iryo tegeko.

—Abanyaroma 7:2, 3a

**Dore itegeko ku bashyingiranywe, ariko si jye uribategeka ahubwo ni Nyagasan; umugore ntagatandukane n'umugabo we. Icyakora aramutse atandukanye na we, ntagashake undi mugabo; cyangwa se yiyunge n'umugabo we. Umugabo na we ntakirukane umugore we.**

—1 Abanyakorinti 7:10, 11

Namwe rero muhore mwitegu-ye, kuko Umwana w'umuntu aza-za igihe mudakeka. —Luka 12:40

Umuntu wese ugira isoni zo ku-nyemera kimwe no kwemera inyigisho zanjye imbere y'abantu b'i-ki gihe b'abasambanyi n'abagizi ba nabi, Umwana w'umuntu na we azagira isoni zo kumwemera igihe azaba aje afite ikuzo rya Se, ashagawe n'abamarayika b'intore ze. —Mariko 8:38

Ubwo ni bwo mu ijuru hazagaraga ikimenyetso cy'Umwana w'umuntu; amoko yose yo ku isi azacura imiborogo, maze abone Umwana w'umuntu ava mu ijuru,

aje ku bicu, afite ububasha n'iku-zo byinshi. —Matayo 24:30

Ni koko Umwana w'umuntu a-giye kuzaza, afite ikuzo rya Se, a-shagawe n'abamarayika be, maze azagororera umuntu wese ibihwa-nye n'imigirire ye. —Matayo 16:27

Nuko rero ningenda, nkamara kuwubategurira, nzagaruka, mba-jyaneyo, kugira ngo aho ndi na-mwe muzabeyo. —Yohani 14:3

Ncuti nkunda, tumaze kuba abana b'Imana, ariko uko tuzame-ra ntibiragaragara. Icyakora tuzi yuko igihe Kristo azagaragara, tuzasa na we, kuko tuzamureba uko ari. —1 Yohani 3:2

## **48 IJAMBO RY'IMANA**

**Ijuru n'isi bizashira, ariko ibyo nababwiye nta bwo bizashira.**

—Luka 21:33

**Nta buhanuzi bwigeze kuvugwa ku bushake bw'umuntu, habe na rimwe. Ahubwo abahanuzi bavugaga ibyo batumwe n'Imana, bayobowe na Mwuka Muziranenge.**

—2 Petero 1:21

**Nuko Yezu arabasubiza ati “Mwarayobye, ntimwamenya I-byanditswe, ntimwamenya n'ububasha bw'Imana. —Matayo 22:29**

**Ntimukongere ku mategeko mbategeka, ntimukayagabanye, mubone kwitondera amategeko y'Uwiteka Imana yanyu mbategeka. —Ivugururamategeko 4:2**

## **USENGE KANDI UBABARIRE ABANDI**

**“Data uri mu ijuru, izina ryawe niryubahwe; ubwami bwawe nibuze. Ibyo ushaka bibe ari byo bikorwa ku isi, nk'uko bikorwa mu ijuru. Uduhe none ifunguro ridukwiriye. Utubabarire ibyo twagucumuyeho, nk'uko natwe tubabarira abaducumuyeho; ntutureke ngo tugwe mu byadushuka, ahubwo uturinde Sekibi; kuko ubwami n'ubushobodzi n'ikuzo ari ibywae iteka ryose. Amina.” Nimubarira abandi ibyo babacumuyeho, So uri mu ijuru na we azababarira ibyo mumucumuraho. Ariko nimutababarira abandi, So uri mu ijuru na we ntazababarira ibyo mumucumuraho.**

—Matayo 6:9-15

## **INZIRA Y'AGAKIZA Y'IMANA**

### ***Ndakeneye Umukiza.***

Koko bose bakoze ibyaha, nti-  
bashyika ku kigero cy'ikuzo ry'I-  
mana.  
—Abanyaroma 3:23

### ***Kristo yampfiriye.***

Kristo na we yapfuye rimwe  
rizima kubera ibyaha byanyu, we  
ntungane apfira abagome, kugira  
ngo abageze ku Mana.

—1 Petero 3:18a

### ***Ndakwiriye kwihana ibyaha byanje.***

Uhisha ibicumuro bye ntazagu-  
bwa neza; ariko ūbyatura akabire-  
ka, azababarirwa. —Imigani 28:13

Nuko rero nimwisubireho, mu-  
garukire Imana, kugira ngo ibya-

ha byanyu bihanagurwe.

—Ibyakozwe n'Intumwa 3:19a

### ***Ndakwiriye kwakira Yezu mbikesha kwizera.***

Nyamara abamwakiriye bose,  
bakemera uwo ari we, yabahaye  
ubushobozi bwo kuba abana b'I-  
mana.

—Yohani 1:12

### ***Nshobora kumenya ko nkijijwe.***

Ufite Umwana w'Imana afite  
ubwo bugingo. —1 Yohani 5:12a

Ndababwira nkomeje: ūntega  
amatwi, akizera Uwantumye, aba  
afite ubugingo buhoraho. Ntaza-  
cirwa iteka, ahubwo aba avuye  
mu rupfu, ageze mu bugingo.

—Yohani 5:24

Published in numerous languages by World Missionary Press as God supplies funds in answer to prayer. Other booklets are also available. If you would like more copies for careful distribution, please write in English to:

World Missionary Press, Inc.  
P.O. Box 120  
New Paris Indiana 46553-0120 USA

Rwanda

69-R Kinyarwanda

11-99